



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

González Téllez, Emanuel

Francofurti Ad Moenum, 1690

Capvt IV. Alex. III. (a) Cant. Archiepiscopo, & quis Suffraganeis.

[urn:nbn:de:hbz:466:1-74526](https://nbn-resolving.de/urn:nbn:de:hbz:466:1-74526)

*sed per negligentiam concidisse (alias concessisse) vi-
deatur.*

Ex proximè adductis constat, si schismatis
periculum instet, vel alia gravissima damna pos-
sunt prudenter timeri, non facilè Prælatos, nec
ipsum Summum Ecclesie Præfulem gravioribus
remedii debere uti, ad avertranda vita, qua
in animis hominum alias egerunt radices, ne
cum procurari eradicari zizania, eradicetur
& triticum. Sic docuerunt Divus Augustinus à
Gratiano relatus in cap. ut confundetur, 25. fo.
diss. & in cap. non potest, 32. 23. quest. 4. ad-
dendus solidi, ut semper, D. Thomas secunda
secunda, quæst. 43. artic. 7. per totum, ubi do-
cer, præcipue in responsione ad prius argu-
mentum, abstinentiam à pœnis, quando ex illis
non medicina, sed ruina potest evenire. Con-
sonat Leo Papa, & Gregorius IV. in cap. li-
ca 4. cap. lices & 45. diss. in quo etiam sen-
su possunt accipi, quando non accipiuntur de
charitativa, seu fraternali correctione, ut fre-
quentius accipiuntur, textus in cap. quændo 23.

II. quest. 1. & in cap. si quis 4. in fine, de panis
diss. 7. notaruntque prident veteres Canoniste,
Panormitanus in cap. significavit, num. 3 de eo
qui duxit in matrem. Felinus in cap. Apostolica,
num. 3. de eo qui duxit in matrem, quam prius pol-
luit: post quos Covarr, in cap. alma, in initio 1. p.
num. 10. Jacob. de Graffis de cas. conscient. tom.
1. lib. 4. cap. 1. à num. 25. & lib. 1. de arbitr. con-
fess. cap. 22. num. 1. fusè & doctè Aegidius Carler.
Cameracensis in orat. qd punit. peccat. public. in
Concilio Basileensil habita, eximius Præceptor
D. Franc. Ramos pro Episc. Lufst. 4. p. §. 6. m
princip. Idcirco licet Summi Pontifices Con-
cilia generalia, provincialia, & nationalia, tam
exactam curam egerint ad statuendam clericorum
continentiam, ut ex multis testimoniois constat,
qua in usum congerit Claudio Espencus in lib.
de continentia; tamen concubinas ipsas cum
iuramento abjurandas esse noluerunt propter pe-
riculum perjurii, cum facilè possint iterum labi, &
prolabi in idem vitium: dicimus proximo com-
mentario.

CAPVT IV.

Alex. III. (a) Cant. Archiepiscopo, & ejus Suffraganeis.

Sicut ad extirpanda virtus, qua periculum patiunt animatum, summopere nos de-
bet intendere: ita etiam nos convenient germina propagare virtutum, ex quibus
fidelibus salutis augmentum, & sacris Ecclesiis decor proveniat honestatis. Unde
cum in Anglia prava & Aerestabili constitutudine, & longo tempore sit obtentum,
ut clerici fornicarias in suis domibus habeant; nos volentes iam grave scandalum
de populo removere, & prædictos clericos ad honestatem ecclesiasticam reducere:
f. t. per A. l. m. quat. clericos vestre jurisdictionis, qui in (b) Subdiaconatu, & supra,
in domibus suis fornicarias habuerint, studiosè monere cures, ut à se fornicarias
di. & ap. cess. removeant, eas ulterius non admisssuri. Si vero infra xi. dies post
comunicationem vestram vobis in his forte acquiescere contemplerint, eos ap.
rem, ab Ecclesiasticis beneficiis, usque ad dignam satisfactionem suspendatis; & si
eas suspensi præsumplerint detinere, ipsos ab eisdem beneficiis perpetuò removere
cures.

NOTÆ.

(a) *Cantuar.*] Ita etiam legitur in prima col-
lectione, sub hoc tit. cap. 5. ex qua re-
stato textum hunc. De Ecclesia Cantuariensi, &
B. Thoma ejus Præfule, cui in præsenti rescri-

bit Alexander, nonnulla notavi in cap. 2. de
rescribe.

(b) *Subdiaconatu.*] Quando Subdiaconis votum
continentia injunctum fuerit, jam exposui in
cap. à multa, de aste & qualitate, & in cap. 33.
Concil. Niber.

CAPVT V.

Idem (a) Eborac. Episcopo.

Super eo vero, quod assertis A. presbyterum detinere fornicariam, & eam ad cre-
bram admonitionem tuam dimittere nolentem, ab officio suspensum: prud. t.
respondemus, quod si super hoc ad præsentiam nostram appellatum sit, si contigerit
ipsum ad nos accedere, prout expedire viderimus, pertinaciam ejus, & audaciam cor-
rigemus. Sive vero non venerit ad præsentiam nostram, suspensionis sententiam in
cum propter hoc latam, tamdiu volumus observari, donec fornicariam suam à se pro-
ficiat, & vivat, sicut decet presbyterum, continentem. Porro si litteras à nobis ob-
tinuerit, quæ factisierem non contineant, nolumus litteras ipsas (b) prodesse.

NOTÆ